

憶丁卯

華壽嵩

民十六，歲次丁卯，我畢業離校際將四十寒暑，在此將近四十年不算短的歲月之中，同窗星散，各奔前程，偶一聚晤，鬢霜且禿，多已是公公輩的人了，溯自大陸沉淪，丁卯級友之在臺者，鳳毛麟角，在美者尤少，余於五十一年蒞美，是夏與級友歐陽藻（覺青）兄相聚於紐約順利園，久別重逢，大有最難風雨故人來之感，覺青擅詩，在校早負才名，是日贈我七絕，書詩並茂，輒以傳誦為快，詩曰：

徐匯同窗越卅年，異邦話舊喜連天，庭階蘭玉枝枝茂，美景桑榆獨占先。

惟愧不敢當耳，前年新歲，覺青邀敘於紐約河邊大道廣次，級友王佐（慕顏）兄同在，在美可得敘晤者，今惟級友三人而已，（黃振英兄前在西岸加州巴賽特那城，曾一通問，又缺聯繫），縱談徐匯舊事，返老還童，與之所至，覺青又口占七言兩首曰：


頌南洋

交深卅載湖南洋，舊雨重逢寄異邦，剪燭西窗傾積愫，新年團聚共稱觴。


詠丁卯

徐匯同窗憶幼年，而今相對鬢霜添，諸友丁卯如星散，三友猶存美利堅。

今屆母校七秩大慶，人壽、臥北、章清三兄馳書為紀念刊集稿，錄聊以塞責，為覺青兄未定草，以實友聲，藉憶丁卯級友云爾。



一九五六年十月節前夕與級友歐陽藻（右）王佐（左）章清於美國費城



左起王佐、歐陽藻學長

伉儷與筆者夫婦。

何日重遊雙龍洞 · 蔣山 ·

北山距金華縣城四十華里，泉壑俊秀，岩洞瑋奇，以雙龍、冰壺、朝真三洞為最著稱。民國二十七年夏，斌弟、躍魚與余因赴永康方岩旅行之便，曾至北山一遊。先乘汽車至佛手產地羅店，然後步行約十華里，經華溪橋、佛壽亭、金華觀即抵雙龍洞。洞分二進：外洞頗軒敞，高五六丈，有小溪自內流出，清澈見底。內洞幽暗，須燃炬或汽燈以進。內外洞隔一重岩，僅岩底有孔隙相通，遊客須仰臥小舟中浮入，岩壁低垂，幾可觸鼻。洞內多鍾乳岩石，或象或獅，或鐘或鼓，或稱仙人掛衣，維妙維肖，各盡其態。尤奇者，洞口內壁上有青白二龍，頭角崢嶸，張牙相對，洞名雙龍，蓋由於此。出洞循右首小徑上山，約二十分鐘至冰壺洞，有亭翼然，過亭即為洞口，口向天，須攀蹬盤旋而下，及底，但聞隆隆之聲，仰視頂懸巨瀑，高約十丈，直洩洞底，轟雷飛珠，寒氣迫人，或謂此瀑流入雙龍洞，確有待證。導遊者高舉汽燈仰照岩頂，則見水晶簾中隱約掛一鐘乳，酷肖佛手，蒂梗宛然，搖搖欲墜，造物之奇，嘆為觀止。冰壺洞更上為朝真洞，因時晏不往遊。屈指二十七年，江山猶在而人事已非，何日重遊？企予望之。